



上
襄園集

~ 16
3427
2



門へ 16
號 3427
卷 2



襄園集前編卷之二



詩類

七言律六十九首

送人歸隱故山

百年天地竟何如。且向鄉園賦卜居。此去翟公門有雀。從來馮氏食無魚。彈冠却使時名減。按劍終教夙志虛。聞道山中多勝事。五噫歌就莫躊躇。

楠廷尉

中原喪亂虎縱橫。一代忠臣萬古名。徒使英風振宇

東園集前編卷之二
宙難將長策保京城。衣冠政事違文德。將帥指揮虛
武成。身歿威靈終不滅。千秋碧血有餘清。

擬秋日侍宴應制

離宮霜後澹風烟。鳳輦乘時下九天。仙仗晨移楓樹
外。御筵秋敞菊花前。詩兼歷代分諸體。宴賜羣臣寵
衆賢。此日詠歌賡載美。還輕漢武柏梁篇。

十冬暖

江城臘月似春回。日蕩山川氣色開。烟暖早梅應自
失。風和旅鴈也相猜。池邊草動新詩句。笛裏花懷仙
律才。訪戴今朝知更好。扁舟何必雪中來。

夜宿山寺

上方宮殿白雲邊。山木蒼蒼夜景懸。閣逼諸天通帝
座。林連下界帶人烟。摩尼色映明星動。梵唄聲和爽
籟傳。爲報世間名利客。何如此處奉金仙。

陪宴主家

退食從容晚出宮。歸來東閣會羣公。清樽席上迎珠
履。嘉樹庭前賦角弓。授簡非陪梁苑雪。披襟近對楚
臺風。共知夜飲思賢意。不與平原十日同。

聞東涯先生易簣賦呈琴所先生

東涯氣色入秋陰。白露摧殘玉樹林。人去文園草空

在龍歸延水劍難尋。千年事業還天地。一代風流作古今。借問招魂賦成否。知君更抱楚臣心。

十五夜登江樓

此夜高樓月可憐。獨來登眺思悠然。蛟龍窟動明珠出。鸚鵡洲搖白羽懸。倚檻還懷枚叔興。揮毫欲擬仲宣篇。風塵更覺江湖遠。腸斷白雲秋色天。

寄慰琴所先生喪孺人

竊藥飄然叩帝閭。廣寒宮冷鎖孤魂。吹簫蹤跡終難逐。舉案風流尚自存。巫峽朝雲來夢裏。湘江春雨落啼痕。憐君夜夜空閨月。獨倚闌干歌鼓盆。

病中諸子見過得筵字

秋風高卧北窗前。喜見王猷乘興船。力疾爲移徐孺榻。開樽豈擬孔融筵。歌成白雪誰能和。草罷玄經獨自憐。莫怪主人投轄意。吾曹交態動淒然。

和答種元民有感見懷之作

倦游何事意偏淡。兄弟于今俱陸沈。世上功名從懶性。曲中山水念知音。平生動抱三秋恨。咫尺相思萬里心。憐爾雄風多楚調。興來時復欲披襟。

安土山懷古

霸主園陵巖壑間。荒涼城郭對江灣。幽溪鬼哭陰雲

合溪樹猿啼。白日閑陳迹。百年餘古寺。雄圖一世有。
空山逢僧試。問前朝事。腸斷秋風。掩淚還。

懷富嶽同諸子賦

名山縹緲路漫漫。海濶天長欲到難。萬仞形傳圖裏。
見三峰色入夢中。看蓮花玉削千秋秀。冰雪天晴六月寒。
何日壯遊從太史。飄然一去踏雲端。

水樓避暑得五微

避暑江樓坐不歸。清尊綠酒對斜暉。侵筵爽氣先秋。
動照水炎光向晚微。豪興轉迎明月發。壯心將逐白雲飛。
餘酣倚檻披襟處。更覺雄風入我衣。

夏晚同諸子遊湖上

郭門西畔大湖頭。落日涼天對碧流。岸樹重陰臨水。
動江雲一半倚城浮。汀洲幾處忘機鳥。簫鼓何人避暑舟。
回首夏期風月夜。重攜尊酒醉清秋。

中元夜集子良元民不至賦寄二子用邊字

茅堂客至復開筵。獨恨風流少二賢。移榻月明迎望。
夜披襟秋色詠涼天。談論把酒思車胤。詩賦登樓想仲宣。
借問弟兄乘興處。扁舟此夕向誰邊。

秋夜友人見過限遊字

離群無日不悲秋。故態蕭條總自休。千里何人能命。

駕一尊今夕共登樓論交慷慨因君劇話舊風塵使我愁醉去高歌叩壺處壯心寧減昔時遊

天錫師訪余草堂且示及其近作余病不能見作此寄謝

此生心事復相違病卧空聞開士歸不見玄談揮玉麈祇將彩筆照柴扉人間訪戴情何切我輩登廬興自稀咫尺城門君有意重期金錫自南飛

上磨鍼嶺望湖堂

數里山頭驛路懸孤亭突兀出雲邊大湖色入南天盡群嶺青從北地連健筆獨留韓使字雄風未擬楚

臣篇即今海內多才子賦就誰當萬古傳堂扁朝鮮李爾芳所

酬種元民春日登樓見懷之作

憐君作吏日登樓感興應同王祭愁舊態吾徒誰意氣新詩之子獨風流綈袍戀戀交情見彩筆翩翩春色浮夙志他年能不負方舟會向五湖遊

讀種元民佐野諸作賦贈佐野我藩湯沐邑也每歲秋遣吏聽政監

租稅事今茲元民與往焉

侯風百歲滿山河到處知君應接多政簡封疆尋勝地興幽雲物入高歌關門曉月聽雞度棧道秋風叱

馭過彩筆縱橫千里色。攜來日照洞庭波。

早秋元民邀飲蓮臺村得遊字。

田園風物入新秋。三徑相邀犬水頭。狂態但從杯酒與清歡。更愛竹林幽。東村雨暗人烟濕。北野雲垂樹色收。此會皆稱名教士。醉來還似步兵遊。

雨後江樓對月得樓字。

雲飛江上雨初收。明月清風萬里秋。慷慨感時唯對酒。醉酣乘興且登樓。魚龍窟動金波湧。蘆荻洲寒玉露浮。無那水鄉良夜色。教人轉自想扁舟。

九日雨登山亭得杯字。

郭東亭子倚崔嵬。此日登臨興壯哉。把筆秋風吹落帽。凭欄雨色勸銜杯。彩雲近接神仙窟。綠水遙含帝女臺。自有吾曹高會在。龍山豈獨孟嘉才。

同岡種二子限韻書懷。

壯心慷慨竟何如。縫掖蕭條混曳裾。一世風塵容吏隱。百年天地遠樵漁。平生白眼唯耽酒。早晚青山去。著書出處深。知潘岳拙。可能無意賦閒居。

望城二首

侯家城郭俯湖中。千雉連雲鬱壯雄。大國仍看齊舊俗。首封曾定漢元功。英風一代傾寰宇。武備千秋鎮

北東自有能文史臣在須將竹帛照無窮
百年恩澤被蒼生帶礪河山有舊盟封國人文留典
故世家侯服蓄干城一時遭遇風雲會萬古傳稱相
將名想見當初開濟業長教孫子奉休明

春日集松雨亭

琴所山人之舊居

春風寂寞不堪思把酒空亭日景移古壁詩留舊題
字荒庭花似昔遊時招魂十歲誰裁賦墮淚千秋擬
勒碑更有玄經遺草在停杯讀罷轉傷悲

寄村子發

村子發者我近江人少有四方之志辭家東

遊今為奧人屬赴平安道過吾邑宿余友人
某宅蓋以其姻戚也友人攜其詩若干首以
示余余讀之迺知其刻意唐明諸家焉好尚
之同恨不相見遂賦近體一首託之友人以

贈子發云

聞君信宿大湖東澤國春醪恨不同司馬浮湘遊自
壯魯連蹈海氣何雄到來留賦滄浪水歸去談天碣
石宮望斷仙臺萬餘里題詩遙寄彩雲中

重遊蓮臺村

青樽吾黨重相看丘壑風流問鷓冠滿徑苔痕經雨

濕隣村竹影帶烟寒林園轉愛新秋色琴酒依然昔
日歡此地自今幽興熟吏情無那往來難

中秋草堂集喜霽

秋風萬里雨初晴濁酒孤樽會弟兄星漢忽臨中座
動雲烟遠散四山輕庭除露下蓬蒿濕戶牖寒生蟋
蟀鳴明月不違吾黨約清光此夕滿江城

和種元民上淺井氏之墟即山谷小

昔日公孫此躍馬蕭條陳迹有城池百年人世浮雲
變五郡山河暮景移江北五郡地當時屬淺井氏古木空林傷異
代荒臺野寺問當時知君登眺秋風裏搖落何唯宋

玉悲

乙丑十一月恭聞藩主奉旨登日光山賦呈

扈從諸子三首

君侯擁節下三宮千騎翩翩向北東禁籞宵嚴鳴劍
佩天門曉闢列羆熊雲移碧殿凝佳氣日繞彫梁掛
彩虹聞道從行攀玉樹子雲今已賦青蔥

王程千里促星軺黑髮山高倚紫霄石馬長迎金節
動霓旌夜拂玉珂飄明裡禮肅趨羣鬼陳錫圖恢福
聖朝扈從俱窺松栢路鬱蔥佳氣繞岩堯

漢家天子緝燕新特詔公侯謁寢頻共仰東方懸日

月俱瞻北極拱星辰頌歌清廟欽宗祀燕錫皇恩寵
大臣聖代典章長不改千煉
祖烈見威神

早春集田立卿二首

春回淑氣滿江城芥水橋邊訪友生日暖池塘垂弱
柳風和林苑嘯嬌鶯西山雪照銜杯淨南郭花迎染
翰明最愛君家新歲酒相逢便盡故人情
曾稱吏隱奈虛名敢謂風流薄世榮刀筆十年違我
懶琴樽一日喜君迎高歌共和陽春曲清話爭催月
旦評此會聊堪供玩俗何辭醉態使人驚

春日田立卿席上懷全通師得城字立卿宅與
全通所居相近

春風開宴酒樽清吏隱幽棲接化城祇樹林連庭樹
綠雨花臺映砌花明人間正值持螯興方外還憐愛
馬情爲是支公山咫尺醉來擬向剡東迎

養老瀑布二首

百仞巖頭瀑布懸清如素練落中天雲開絕壁龍蛇
躍晝靜溪山翹翹眠靈境于今餘佛寺山中有養老寺帝遊
當日問神仙相傳元正皇嘗幸于此野老相傳千古事逢人先
說改元年

一條懸瀑彩雲隈。縹緲山中勝地開。水激千巖飛細
 雨。風迴十里響輕雷。天神廟畔靈泉湧。孝子堂前瑞
 鳥來。山下有古廟。俗稱天神廟。廟前有泉。俗稱菊水。云昔在孝子所汲。以養母者也。又云嘗有靈鳥來巢。孝子家樹。此日塵懷渾蕩滌。得尋仙境暫徘徊。

行經關原

昔時

神祖轉龍旂。八百諸侯此地歸。四海山河三尺劍。百
 年天地一戎衣。軍威尚想風霜肅。廟畧高懸日月輝。
 兵氣長銷王氣滿。只今惟見五雲飛。

次金谷驛阻風雨不能渡大堰河因有此作

大川南接海門潮。千里奔流水勢遙。罔象驅龍從北
 走。揚侯躍馬向東朝。雲垂雨色連天暗。風起濤聲動
 地驕。時倚驛樓延領望。渡頭舟子未招招。

初謁南郭先生賦以奉呈

神飛幾歲恨何勝。方喜龍門此得登。上國一朝觀禮
 樂。南溟六月見鯤鵬。聊將問字陪揚子。敢比同舟並
 李膺。千里我元思附驥。請君看取一蒼蠅。

再呈朝鮮朴學士

信使西來修聘年。從行書劍總翩翩。懷中璧向秦城
 照。海上槎從漢渚旋。幾處留賓東道主。何人傾蓋大

邦賢輶車更過琵琶水。儻有新詩使我傳。

六宮秋月怨。同賦得看字。

秋老淡宮明月殘。羅裳露濕捲簾看。蛾眉暫上銀鈎。

細水魄空懸。紈扇團粧就。雲鬟霜照鏡。愁來玉臂夜。

憑欄獨憐一曲嬾娥怨。奏罷香幃夢更寒。

寄懷種元民南檢新田于愛智郡。

微祿風塵意自清。東菑奉使問黎氓。幽襟定為村翁。

動傲骨堪隨俗吏行。十里荒原開草棘。一樽明月宿。

柴荆。郊關到處君應見。何地田疇好偶耕。

大川新宅早春

旭日千家蒼靄開。故園風物喜春回。新從郭外移桑梓。夏向城門植柳梅。古澤凝青當戶出。吹峯積雪映窻來。清晨坐覺西山爽。拄笏悠然喚酒杯。

舟行至葛浦。遂探真間鴻臺之勝。作。

扶桑西畔武城東。莽蒼南連海色中。葛浦魚鹽餘舊

俗。鴻臺草樹遶禪宮。英雄異代悲兵畧。娘子千秋怨

國風。探勝江關行未遍。歸舟解纜夕陽紅。二總及房。皆古扶桑。

地。葛浦實。行德。鴻臺。又謂國府臺。里。見氏之墟。真間。娘子。卽氏胡也。

觀諸侯早朝

五等諸侯列雁行。朝正萬國此徊翔。扶桑旭日臨儀

仗。聞。闔。春。風。帶。龍。光。天。定。星。辰。環。北。極。時。平。文。物。遍。
東。方。卽。今。聖。代。開。封。建。喜。見。周。家。舊。典。章。

甲戌秋自東都歸道經岐岨聊以紀行四首

瓜。時。役。罷。謝。東。關。驅。馬。秋。風。萬。里。還。佳。境。漸。憐。毛。野。
地。幽。心。轉。愛。信。中。山。行。經。棧。道。烟。嵐。裏。夜。宿。樵。家。薜。
荔。閒。髮。髯。似。聞。高。士。嘯。雲。邊。蘇。嶺。不。堪。攀。

三。秋。已。厭。武。昌。居。纔。首。歸。途。客。思。舒。懷。古。幾。回。求。久。
老。尋。幽。到。處。問。樵。漁。釣。魚。磯。駐。仙。翁。跡。飲。馬。泉。餘。霸。
主。墟。莫。謂。遠。遊。羈。縛。苦。未。應。輕。擬。大。行。車。

旅。衣。蕭。颯。驛。亭。秋。到。處。關。河。試。勝。遊。縹。緲。嶽。雲。迎。馬。

出。潺。湲。澗。水。傍。人。流。風。鳴。棧。畔。松。杉。冷。雨。暗。山。中。虎。
豹。愁。招。隱。更。憐。騷。客。意。此。行。看。盡。桂。叢。幽。

北。出。岐。岨。叱。馭。來。信。濃。山。盡。美。濃。開。前。途。野。色。眸。初。
潤。昨。宿。雲。峯。首。重。回。人。物。漸。知。鄉。土。近。風。光。自。慰。僕。
夫。哀。還。家。誇。說。東。征。事。握。筆。慚。無。作。賦。才。

席上賦得懷洞庭

洞。庭。名。勝。古。相。傳。絕。域。茫。茫。望。海。天。雲。夢。曾。聞。司。馬。
賦。岳。陽。空。誦。少。陵。篇。九。江。波。浪。想。中。湧。七。澤。烟。霞。夢。
裏。懸。安。得。秋。風。明。月。夜。乘。槎。萬。里。擬。張。騫。

酬越圖南

妙年曾識棄繻生。卻恨明時已請纓。蓬矢汝酬男子志。綈袍我愧故人情。吟成玉案貽難報。彈去朱絃聽夏驚。況爲登龍經品第。中原早已有名聲。

秋夜集邨仲裕宅賦呈主人兼送巖同甫之東都

相逢詩酒俗塵疎。調馬場頭吏隱居。夜久星河當戶牖。天晴月露滿庭除。吾曹尚友交無恙。此會清談興有餘。君到武昌須試問。南樓秋色夏何如。

功子含邨仲裕荒孟彥芳仲全巖同甫見過草堂子含有詩賦答且以言志

十年天地負平生。性僻風塵絕送迎。詩社重逢今日會。窮交無恙舊時盟。相投白壁終難報。對酌清樽屢共傾。醉後休論當世事。不如微祿代躬耕。

過芳仲全

藩中濟濟士如雲。之子風流獨出群。淙翰時看蕉雨濕。凭欄卻憶菊花薰。仲全居名蕉雨庭中栽菊見前作青樽夏許何

人醉白雪唯容和。客聞且喜相憐同。病侶城門咫尺得論文。

春日同諸子集青山樓餞仲全之東都此日邀草廬先生亦來會焉

春風飲餞郭東頭。握手清樽共倚樓。一榻更迎徐孺下。扁舟欲並李膺遊。歌傳白雪無人和地對青山覺興幽。後會明年期不遠。相攜重典鸛鷗裘。

雪後偶作

北風吹雪雪初晴。一望千家夜色清。玉樹庭前花自滿。瑤臺月下曉添明。衡門難擬袁安卧。敝履還甘東郭行。授簡今朝誰作賦。梁園未有長卿名。

和功子含中秋應命之作

城頭殿閣對湖天。太守登臨月色懸。蘭佩良宵聊倚檻。桂樽湛露且開筵。楚臺新奏雄風賦。郢國爭傳白

雪篇。授簡何勞求上客。侍臣今有馬卿賢。

過訪慈雲師

偶叩雲扉謁上人。香臺寂寞絕巖塵。風含寶鐸秋聲靜。月照衣珠夜色新。握手且論方外趣。折腰深愧俗中身。欣逢翰墨兼杯酒。暫爾留歡意轉親。

秋日遊馴鷗堂同用流字

馴鷗堂主自馴鷗。堂對琵琶湖水流。萬頃波瀾廻咫尺。幾群禽鳥傍汀洲。涼風八月秋將半。暮色千山雨未收。總為忘機憐海客。重攜佳興此同遊。

中秋伯孔宅賞月得寒字

相逢杯酒罄交歡。把袂樓頭共倚欄。天上清暉秋正
半。人間高會夜將闌。詩成已見銀河轉。醉去任他白
露寒。月滿城中誰不賞。喜君能擬武昌看。

同龍子明功子含芳仲全芝仲祥遊長松院
相逢玉麈意縱橫。蓮社風流許酒迎。禪室共陪支遁
坐。清言不讓許詢情。天花掩映霜林色。晚籟蕭條梵
唄聲。乘興何妨向昏黑。摩尼更照上方明。

至後懸壺舍集二首

懸壺之舍市中居。咫尺城門俗自疎。春物暗催冬至
後。交歡正值日長初。吾曹意氣狂無恙。詩社風流興

有餘。此會清樽堪玩世。隱淪何必在樵漁。

寒梅帶雪映同袍。改歲相逢共酌醪。揮麈談緣酣暢
妙。懸壺宅似隱淪高。節過至日添紅線。歌和陽春試
彩毫。預約新年仙醞熟。重尋佳興醉吾曹。

答大垣岡蘭夫

妙年才子想風流。劍氣蒼茫望斗牛。詩賦爾憐三野
月。烟波我卧太湖秋。問奇豈比玄亭客。乘興應同雪
夜舟。朽質深慚竊虛譽。投來白璧奈難酬。

宿瓦屋寺

白鹿峯頭祇樹開。千年瓦屋倚崔嵬。香烟近繞諸天

起。磴道遙連下界。同攜鉢僧。隨鳴磬集。繡經筵。見雨花催。飄然已覺空心地。一夜雲間宿梵臺。

五言絕句十七首

過故居

舊家土門口。今向土門行。土門非昔日。新貴自邀迎。

土門。城門名。

尋梅

閒來復杖藜。雨雪尋梅去。唯見雪花飛。不見梅花處。

自念九日偶作時余始就羈絆

五斗酒錢足。重陽興不貧。豈如三徑上。空望白衣人。

長信草

長信宮中草。年年夏自滋。朝來掃除盡。猶似奉恩時。

示元民。時元民自伊勢歸。

探珠南海還。此寶須能占。如向世人投。相看易按劍。

寄祖全上人。上人嘗約吾黨。結社作會。戲寄詩。

促之。

苦憶白蓮社。風流醉不妨。秋來陶與陸。回首日相望。

卽事

春來十餘日。日日未知春。爲向山村去。初驚物候新。

湖中歌

芳蘭滿洲渚。采采掉清波。唯見賽神去。無人詠九歌。

戲代內人寄津彞卿時彞卿病卧于東都

長卿故倦游。病卧茂陵秋。不惜臨邛去。歸來共白頭。

客中春日

東風思故國。花鳥已應春。不似他鄉柳。青青愁殺人。

湖中詞分賦古澤山

石公全盛日。意氣動西關。一自王師至。唯餘古澤山。

同前皇子廟即倭武尊廟

帝子降湖上。磯山遺廟開。時看白鳥下。莫是東關來。

善巖二子東行後雨數日未止

別來連日雨。幽獨轉添愁。遙想遠行客。今朝去未休。

楊柳枝詞

夾岸數株柳。垂條拂渡頭。唯能惹妾恨。不繫郎君舟。

赴東都留別諸友

別後天涯恨。相思時寄書。莫將湖上鯉。不及武昌魚。

寄元民二首

鄉園春色滿。何客最多情。獨有南門子。應懷東野生。

把酒醉花底。論詩嘯月前。春來花月好。詩酒向誰邊。

襄園集前編卷之二

限對天武對... 思和... 清... 淋... 上... 鴨... 不... 不... 昌...
 限對天武對... 思和... 清... 淋... 上... 鴨... 不... 不... 昌...
 限對天武對... 思和... 清... 淋... 上... 鴨... 不... 不... 昌...
 限對天武對... 思和... 清... 淋... 上... 鴨... 不... 不... 昌...
 限對天武對... 思和... 清... 淋... 上... 鴨... 不... 不... 昌...
 限對天武對... 思和... 清... 淋... 上... 鴨... 不... 不... 昌...
 限對天武對... 思和... 清... 淋... 上... 鴨... 不... 不... 昌...
 限對天武對... 思和... 清... 淋... 上... 鴨... 不... 不... 昌...
 限對天武對... 思和... 清... 淋... 上... 鴨... 不... 不... 昌...
 限對天武對... 思和... 清... 淋... 上... 鴨... 不... 不... 昌...

襄園集前編卷之三

彥根 野公臺子賤著

詩類

七言絕句百三十五首

采蓮曲

越女新粧映碧流。洲前爭著木蘭舟。晚來江上風波起。欲采芙蓉不自由。

從軍行二首

五道分兵五將軍。胡天八月雪紛紛。河邊日夜烟塵色。總向秦關作黑雲。

河邊白骨舊征冤。殺氣陰雲晝自昏。昔日出關三十萬。不知今得幾人存。

漫興

白日浮雲鬱未開。飛霜五月滿燕臺。黃金散盡談天罷。十歲誰憐稷下才。

琴所先生寓三浦氏別宅予往謁焉有作

大夫別業竹林間。古木寒禽白日閑。一榻能教徐孺駐。無勞更向桂叢攀。

逢俠者

擊筑悲歌燕市中。相逢意氣一何雄。贈君匕首凌霜

色。請看青天掛白虹。

觀獵二首

草盡平原狐兔驕。邯鄲年少佩弓鞘。迴身拋鞞驅驄馬。更向雲間射皂鵞。
十月霜清野草腓。彫弓白羽向風飛。鍊驄竟日相馳逐。薄夜金鞍帶兔歸。

暮春送別得枝字

南浦送君分手時。春風寂寞不勝悲。杜鵑似解離人恨。啼上垂楊第一枝。

感事

時友人某遭難幽居

玉律曾催碣石宮。燕山十月動春風。誰知臺上黃金氣，還作飛霜滿碧空。

同岡子通種子良過種元民得杯字

同病相逢乘興來。清樽握手共登台。漢宮縱飽金莖露，何似君家酒一杯。

十月塞下曲

夜來烽火照天山。胡騎如雲冠玉關。十萬漢兵齊按劍，何人生縛左賢還。

楚宮怨得長字

錦帳風來蘭麝香。玉階花發映紅粧。陽臺縱有行雲

夢何及人間歌舞長

觀音寺二首

六角氏之遺跡

丹嶂千尋城郭開。峩高插白雲隈。當年井觀今安在，山上空餘古佛臺。

南北封疆限越河。頻年此地事干戈。祇今父老逢堯日，處處惟聞擊壤歌。

寄岐阜井成玉二首

十年生事役風塵。江上交遊一世新。獨有華陽白雲色，煩君時贈折腰人。

岐阜有金華山。因借用華陽。

離群作吏泣途窮。十歲乾坤白眼中。儻使故人能命

藁園集前編卷之三
駕于今何減竹林風

晴雪

江天萬里雪初晴。月照寒波。夜色清。應是故人乘興。至忽聞門外棹歌聲。

送堀玄亮遊平安

懷中白壁照人明。三獻曾悲楚客情。此去如逢趙家主。應知高價抵連城。

過武子忠舊居

柴桑人去柳空垂。重問田園意卻疑。三徑就荒松菊在。宛然陶令未歸時。

明妃曲同諸子賦得還字

琵琶曲罷獨眠閒。忽報單于獵已還。一夜穹廬故鄉夢。何能得入玉門關。

宿友人宅同賦得君字

相逢留飲共論文。半世窮交獨有君。乘興夜闌何用睡。風塵明日復離群。

春閨怨

城裡春歸人未歸。紗窗日永淚沾衣。生憎玳瑁梁間燕。雙去雙來近妾飛。

從軍行二首

良家子弟漢中郎少壯從戎赴朔方但得功成取封賞何辭百戰苦沙場

十萬天兵出漢關旌旗獵獵繞陰山左賢遠遁胡塵靜絕漠誰臨翰海還

宮詞二首

長楊十月曉霜催昨夜君王校獵回應有侍臣能獻替殿前時奏諫書來

掖庭宮裡罷朝粧阿監相將入未央日晏殿頭歌舞起眼看春色醉君王

牡丹

數枝濃豔媚殘春春色朝來凝露新只可自供含笑見不須攀折與他人

觀諸子追輓琴所先生作因賦贈諸子

沅湘人去已悠然詞賦誰知日月懸獨有風流諸子在一時齊擬大招篇

送善伯簡巖同甫之東都五首

青樽十歲日相看握手無時不盡歡為是相憐同病侶非關結綬與彈冠

送君江上獨躊躇無那人間易索居此地年年縮楊柳不堪春色轉蕭疎

君去江山誰與儔。一樽今日暫相留。唯須強飲何辭醉。此會明朝是昔遊。

明月清風墨水秋。遙知二子此乘舟。乘舟縱使多佳興。何似琵琶湖上遊。

都門美酒醉青娥。二月春風樂事多。莫傷章臺折楊柳。恐教君志易蹉跎。

同長岷山岡子通種子畏遊物生山。山在治城東北五六一里。

風塵桂樹奈難攀。日日回瞻城北山。今日共君攜酒處。高歌一曲白雲間。

山家

空山寂歷兩三家。水遶松林一徑斜。應有逍遙方外客。白雲深處讀南華。

野士元聞諸子集。元民氏餽一盤。殺以助其歡。作此寄謝。

吏部何須甕下眠。興來酣暢主人前。兩頭更有車螯贈。此夕堪傾百斛船。

青樓曲

樓頭少婦顏如玉。朝來彈箏聲斷續。遙看陌上遊冶郎。更向春風奏一曲。

冬、夜聞笛

笛聲吹入北風微。一夜天涯春色歸。似是燕臺弄仙律。梅花落逐雪花飛。

觀妓

曾是教坊歌舞人。前朝恩賜綺羅新。鳴箏猶按宮中曲。卻媚尋常陌上春。

梅花落送友人

江南二月送君歸。風起梅花落滿衣。忽入佳人瑤笛裡。聲聲總逐馬蹄飛。

春日病中和答種元民見寄

病卧蕭條江上春。空聞城裡百花新。花時閉戶君休怪。猶勝看花逐世人。

席上別田立卿之京得四豪

相逢擊筑氣何豪。欲別今朝脫寶刀。聞道長安多俠客。結交誰復似荆高。

過石山寺三首

琵琶南畔大江開。萬頃波瀾此地迴。兩岸青山總如畫。輕舟到處逐人來。

大悲樓閣翠微間。畫戶朱簾照水閑。一自佳人草書後。白雲明月滿江山。

千載相傳女史賢。風流五十有餘篇。紅顏一去今安在。唯有長江遶檻前。

中炆懷高子式先生

武昌秋色向東看。咫尺城中命駕難。想見庾公樓上月。幾人詩酒盡君歡。

酬岡子通中秋見懷寄之作

秋風客舍倚欄干。杯酒蕭條誰共歡。此夜可憐明月色。各天同照醉顏看。

九日漫興二首

黃花濁酒與誰歡。客舍重陽風雨寒。遙想故園籬下

色。今年不減去年看。

客中秋色菊花新。此日蕭條漉酒巾。何事未裁歸去賦。遠遊長作折腰人。

贈高子式先生五首

物色新年照彩毫。題詩日日遍江皋。由來郢調稱難和。更值陽春曲愈高。

高樓日望墨河流。濡翰攔前對白鷗。為是王孫昔遊地。至今春草滿芳洲。

風流誰似子雲賢。閉戶年年草太玄。一出人間競傳賞。那須更作解嘲篇。

漢代諸侯總好文從遊賓客亦如雲誰知授簡裁詞賦多病相如獨出群

上苑春風千樹香人間彩筆競成章知君更有凌雲賦狗監誰今薦漢皇

登樓

旅客平生不解顏春風且醉酒樓間歸心遠向西南望依舊天邊玉筍山

贈朝鮮學士矩軒朴公

旌節迢迢絕域來從遊詞客總多才行揮彩筆成珠玉明月投入到處開

諸子見過二首時余歸自東都

去年遙向海東遊今歲歸來湖上秋依舊故園同病侶相逢一夜話扁舟得舟字

意氣相逢俠客顏我今燕趙報仇還腰間古劍君須見白刃猶餘血色殷得還字

秋日簡種子長

余今年三十二歲子長與余同年

十載交情日月流與君同感二毛秋秋霜照鏡誰多少借問安仁賦就不

石鏡山觀月以雲雨故不果悵然有作示同甫陰雲雨色滿江關明月空思湖上山不許愁人窺石

鏡秋風早已鬢毛斑

和越伯孔

時欲同遊新莊田家以伯孔有事故不果詩以見謝余和之云

欲問田家一醉歸無端勝事復相違
薜蘿不屬風塵吏十里浮雲隔翠微

寄贈世子侍讀田芳山先生

上客風流司馬賢平臺無日不周旋
也知諫獵書應就授簡何唯賦雪篇

登大洞山

山樓縹緲枕湖灣湖色山雲指掌間
此地登臨何限客誰將彩筆照湖山

送人歸浪華

故人歸去浪華濱海上風光添翰新
君折梅花儻相憶寄來何翅一枝春

俠客行同賦得寒字

昔辭燕趙入長安客旅年年四壁寒
猶自腰間餘一劍平生未肯借人看

春江曲

妾家門外對長江幾箇鴛鴦傍渚
雙總為春風惱入至青樓日日掩紗窗

宮人入道二首同諸子賦

曾將歌舞侍先皇。幾歲紅顏鬪靚粧。一自春風花落盡。華陽觀裏日焚香。得香字

佳人老去謝榮華。脫卻金釵入道家。記得春風昔年事。滿頭曾插漢宮花。得花字

采蓮曲同賦得長字

江上誰家素舸郎。回橈故近美人傍。含羞卻入荷花去。誤被鉤牽羅袖長。

客居屬間忽懷去歲五僧山遊賦寄同遊諸子。五僧山上五僧村。非有高僧可共言。但為山村幽趣好。至今猶訝問仙源。

望芙蓉峰

東遊復過駿河濱。客路山川眼更新。忽見芙蓉天際出。依然獻笑對行人。

酬大管瓚美月夜見懷之作

兩地秋風嘆別離。海雲湖月一篇詩。聞君憶我揮毫處。正我懷君倚檻時。

飲善伯簡曹

狂客風流談笑高。相逢況對故人醪。醉來更覺西山爽。誤道君曹似馬曹。

東都逢伊君平居數日君平乃有毛野之行悵

然賦贈三首

青樽綠酒向誰歡。客裡秋風意氣寒。今夜醉狂在何用。
 怪故園親友此相看。
 客居無恙佩吳鉤。紫氣天晴滿斗牛。今夜逢君聊試
 拔精光猶似昔時不。
 都門相見一歡新。忽唱離歌墨水濱。知爾北遊燕趙
 地。腰間古劍借何人。

南郭先生

想像峨眉欲見難。側身西望海漫漫。誰知別有芙蓉
 色。也是天邊雪裡看。

采蓮曲同賦得蓮字

菱歌並起木蘭船。繫纜洲前齊采蓮。總為佳人怕昏
 暮。日斜回棹向塘邊。

卧松亭歌為冢仲基壽太翁

主人高卧綠松前。偃蓋重重蔭壽筵。為有流膏助金
 鼎。仙顏不改對蒼然。

移居六首 併序

余生五歲遭主家難。從先君子去城中。寓居北郭
 藪下地十有五年。會主家復立卜居城東安清安
 養坊。其地多農家。且有觀山望野清幽閒適之趣。

頗爲可悅也。自謂可以終身焉。又十有七年。今歲壬申。歸住城中長松院南。蓋在城外三十有二年。乃得復先人居。自先君子沒已十有四年矣。獨有老母在堂。可不悲喜交集乎哉。絕句六首。聊述其情。

萬年山下市門間。少小離鄉壯大還。爲有老親諳昔日。高堂獻壽一開顏。
少年嬉戲梵臺前。流落人間萬事遷。今日歸來誰舊識。相逢無客問青氈。
閭閻寄跡二十春。僻地由來愜懶人。況有隣翁久相

識。濁醪芋栗未全貧。

郊門曾築一茅廬。更向城中賦卜居。尚謂墻東堪避世。何如負郭伴樵漁。

三十餘年別舊棲。葺門蓬戶俯幽溪。歸來未慣城中客。禮法相看意欲迷。

風塵此地寄琴書。數畝新開吏隱居。幽意未忘三徑趣。莫教松菊故人疎。

送慈敬師還鄉二首

多藝山頭瀑布懸。相傳聖主改元年。君家自足供飴露。養老猶須借醴泉。

挂錫江湖已幾霜，一朝飛去北還鄉。還鄉儻挹靈泉，水分與江湖病客嘗。

謝友人惠菊花

一枝黃菊照茅堂，把酒看來滿座香。為是君家三徑色，教人更自憶柴桑。

偶成

傳經早歲作儒生，折節中年事世榮。豈謂文章千載業，不如鄉曲一時名。

雪中憶友同賦得聲字

北風吹雪雪初晴，未擬山陰雪後行。對雪空懷郢歌

侶。今朝白雪轉蜚聲。

折寒梅懷友人得寒字

梅花臘月映闌干，一樹春光帶雪寒。不待東風吹到後，折來先寄故人看。

壽霞亭老人八十二首

玉醴金漿滿壽筵，多男無恙杖朝年。君家孝養人稱願，彩服聯翩舞膝前。

祐公精舍桂河頭，宿嶽仙雲擁上游。月裡挹來甘露水，稱觴更向壽筵流。天祐禪師見佳洛西嵯峨藏光精舍亦老人之子。

太孺人七十初度諸子見壽作此為謝

滿坐嘉賓曼倩賢。春風勸酒北堂前。堪誇此日蟠桃色。總為投來照壽筵。

送人遊南都得山字

千年勝地五畿閒。匹馬南遊覽古還。寧樂城中君試見。王風仍自滿河山。

又得飛字

春風探勝問王畿。陳跡千年鎖翠微。三十六宮移輦地。只今惟有杜鵑飛。

又得明字

御蓋山高俯舊京。知君到處弔晁卿。南州況有酴醿

美醉後題詩對月明。

為南士長壽太翁

清樽綠酒壽筵開。高唱南山見妙才。五色斑衣兼彩筆。堂前併照萬年杯。

漫成

當年詞賦學相如。擬向梁園奏子虛。今日倦遊何所似。秋風病卧茂陵居。

春日送別

清樽把袂暫留歡。驛樹春風曉色寒。今日別君花未發。明朝花發好誰看。

過馴鷗堂

方丈室開湖水濱。倚欄看弄白鷗馴。烟波自解風塵色。此日忘機對主人。

九月八日威德院集得香字

祇園秋色菊花黃。詩客相攜酒復香。明日儻逢陶令問。東林此會興偏長。

又得筵字

清樽先節此開筵。一醉秋風落帽前。不羨龍山明日會。更無人似孟嘉賢。

九日簡諸子

風塵幾歲苦吾曹。佳節無由把濁醪。為問城中同病客。誰人今日解登高。

呈某大夫

太梁公子下夷門。難擬侯生敢一言。此地鼓刀屠客在。薦君聊報信陵恩。

悼兒

明珠纔自蚌中開。淚盡春風一夕哀。未及後來期照乘。如何忽向九淵回。

懸壺舍夜飲風雨甚

城中此夕問懸壺。醉裏乾坤頓自殊。仙醞一樽無盡

酒不愁風雨暗歸途

勝周禎壽歌代人作周禎野洲郡山田村人

高堂壽席對天台聞道仙人捧藥來綠髮紅顏長不老赤城霞映萬年杯

威德院集得林字

郭東精舍遠公林蕭颯秋風竹樹深不是蓮花社中侶也將詩酒得相尋

竹枝詞

十二峰前聽子規大江春色更堪悲無情最是隣船客一夜殷勤唱竹枝

夜宿小房教圓寺

小房村在蒲生郡

夏木陰陰月色懸小房村畔梵臺前山川一日幽尋興投宿東林轉杳然

初秋遊高宮村同阪戶林三子飲

涼風颯爽入新秋一醉相攜竹樹幽不向高陽尋酒侶世間誰與豎儒儔

題石圃酒家壁

行過石圃日將斜避雨須更入酒家不問主人相識否林泉自有醉堪賒

得阪戶林三子見和之作再用前韻卻寄

相攜昔日詠涼秋。醉後清談興轉幽。此際風塵青眼少。悵然偏憶竹林儔。

漫興三首

鵬鷓湖上一狂生。少小傳經業未成。漫說文章千載事。人間恰得腐儒名。

少年豪氣慕輕肥。中歲方知有是非。世上榮名豈吾事。書生只合臥柴扉。

吏迹風塵四十春。生涯幸作太平人。人間自有詩兼酒。百歲乾坤一病身。

早春草堂集。瓚美有詩賦答。

一枝春色照蘭干。濁酒新詩獨自歡。把袂除非君輩

在人間。更得共誰看。余家庭有梅瓚美詩及之故以此答之

春遊曲得華字

花滿春城十萬家。遨遊處處競繁華。鈿鞍寶馬知誰子。薄暮鳴鞭向狹斜。

姬人怨服散二首

百花春滿映紅顏。九轉丹成獨夜閑。漫道神仙多樂事。未知天上勝人間。

君言服藥學長生。操杵春閨對月明。獨怪吹簫臺上女。何緣更得鳳皇鳴。

子規啼

春去江南人未歸。子規啼夜淚沾衣。但能使妾心腸
斷。不向郎舟到處飛。

瓚美席上。賡韻和答主人有感之作。

與君同病喜同時。把臂偏啣金屈卮。醉後彈琴多妙
曲。相逢更有幾人知。

又賦呈主人

藁園傾蓋十餘春。把酒論文日轉親。莫道同心相見
晚。世間交態白頭新。

夏日池亭飲得談字。

相逢玉麈共清談。向夕高亭酒半酣。醉後雄風吹欲
近。披襟竟日對激潭。

湖上僧房

彥城西畔問花臺。一望琵琶萬頃開。應是毘耶方丈
室。三千世界入欄來。

中秋雨集福昌院得多字

陰雲黯澹隔星河。香閣秋風冒雨過。此夜人間無限
賞。不知何處月明多。

又得青字

城東精舍俯郊坳。詩酒吾曹復聚星。不恨良宵少明

月相逢眼入竹林青

又得寒字

梵主臺上共憑欄望裡山川雨色寒此會吾曹詩酒足清歡不減月明看

此夜稍晴席上又有吹笛因有此作

醉後殘尊復共傾祇林秋色雨初晴樓頭此夜聞吹笛能使關山月更明

送別四首

匹馬翩翩去向東東遊觀海意何雄行過魯國聽周樂定識齊詩本大風

匹馬翩翩去向北北遊千里有相識行過燕市遇荆

高腰下芙蓉堪拂拭

匹馬翩翩西入秦函關客路此行新期君更致青雲

日莫笑綈袍託故人

匹馬翩翩南入楚知君到處有新著長說陽春寡和人此行試覓郢歌侶

襄園集前編卷之三

葉園集前編卷之三

又

枯玉堂上

足清秋不

人地行清

四萬輪

四萬輪

四萬輪

四萬輪

四萬輪

